

पपैया पियाजी री वाणी मत बोलो,

दोहा प्रीतम प्रीत लगाय के,
तुम दूर देश मत जाओ,
बसों हमारी नगरी में,
पिया हम मांगे तुम खाये ।
कागा रे सब तन खाविये,
कागलिया क्वार सब तन खावियो,
म्हारा चुन चुन खाईजे मास,
दो नैना मत खावजो,
म्हाने पीया मिलन री आस ।

जो कोई पियाजी री प्यारी सुने रे,
देवे थारी चोच ने मरोड़,
पपैया पियाजी री वाणी मत बोलो ॥

चोंच कटावु पपैया थारी,
ऊपर घालु लूण,
पिवजी म्हारा मैं पीया री,
तू कुन केवन वालो रे पपैय्या,
पियाजी री वाणी मत बोलो ॥

थारा वचन सुहावना,
ऐ तू पीयू पीयू करे रे पुकार,

चोंच मंडावु थारी सोवनी रे,
तू म्हारे सिर रो मोड़ पपैय्या,
पीयाजी री वाणी मत बोल ॥

म्हारा पियाजी ने पत्तियां भेजू,
ये तू पंछी ले जा,
जाये पियाजी ने यू कहिजे रे,
आप बिना धान नही भावे रे पपैय्या,
पियाजी री वाणी मत बोलो ॥

मीरा दासी व्याकुल भई,
पिवजी मिला दे मोर,
अरे वेगा मिलो रे म्हारा अंतर्यामी,
तुम बिन रहियो नही जावे पपैय्या,
पियाजी री वाणी मत बोलो ॥

जो कोई पियाजी री प्यारी सुने रे,
देवे थारी चोच ने मरोड़,
पपैया पियाजी री वाणी मत बोलो,
पपैया पियाजी री वाणी मत बोलो ॥

स्वर प्रकाश माली जी ।
प्रेषक श्रवण सिंह राजपुरोहित ।
Ph. +91 90965 58244



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>